

Pyeri letereŋi niŋcyiŋi

Mpe yii à yaa yii cè mà jwo yii jyè letereŋi funḡo jwumpe e ke

Tùntunmpii ke ná shuunniŋi Yesu mpyi a cwɔ̀nɔ̀ ke, Pyeri mpyi uru wà. Pyeri ná u sɔ̀ŋeŋi Andire mpyi maha fyaabii cwôre Galile banji i. Ŋka Yesu à pi yyere ke, ka pi i fyácyaaŋi yaha maa ntaha u fye e. U à pa dùgo niŋyiŋi na ke, ka Pyeri si wá na Jwumpe Nintanmpe yu na ntùuli.

Nye Pyeri à ŋge letereŋi sém'a tun dánafeebil'á, pire mpiimu pi à caala a tèn tèn Azi kùluni i ke. Lire pi maha mpyi niŋjaa Turiki. Lire tèn i, dánafeebii mpyi yyefuge e wani. Lire kurugo Pyeri à ŋge letereŋi sém'a tun pi á, maa màban le pi e. U à pi funḡo cwo na Kile à yaaya niŋcenye bégel'a yaha pi mɛɛ na niŋyiŋi na, pi sí yire ta tèn i Yesu sí núru n-pa diŋyeŋi i ke. Lire kurugo pi à yaa pi kwôro Kile kuni i, ali pi mée ká mpyi yyefuge e. Kile yabiliŋi u sí raa pi kàanmucaa. U à li cya pi á na pi a fyáge Kile na, pi i pi shinŋeebii kyaa táan piy'á, mpíi pi nye pi nye Kile kuni i ná pi e mɛ, pi a jaare jaaranjanna niŋcenne na pire shwɔ̀hɔ̀le. U à li cya pi á mú na pi Yesu Kirisita piyŋkanni lwɔ̀: u à kyaala, mà li ta u nye a kapii pyi mɛ.

Jwumpe tasiige

1 ¹ Mii Pyeri u nye Yesu *Kirisita tùntunḡo ke, mii u à ŋge letereŋi séme mà tun yii Kile niŋcwɔ̀nribil'á, yii mpiimu pi à tèn tèn'a màha mu à jwo nàmpwuun Pɔ̀n ná Galati ná Kapadɔ̀si ná Azi ná Bitini kùligil'e ke. ² Mà tàanna ná Tufoŋji Kile karigii puni ŋcèŋi i, u à yii cwɔ̀nɔ̀ fo tèmɔ̀ni i mà pyi u wuu, u Munaani cye kurugo, bà yii si mpyi si Yesu Kirisita ŋwɔ̀mɛɛni cù, u sishange si ŋarag'a wà yii na si yii *fíniŋe mɛ.

Kile u ŋwɔ̀o yii na, u u yyeniŋke kan yii á sèl'e.

Dánafeebii sòŋḡore tatahage kani

³ Wuu Kafoŋji Yesu *Kirisita Tuŋi Kile à yaa u kêe! U à sàa ñùnaara ta wuu na sèe sèl'e, lire kurugo u à wuu pyi shinfɔ̀nmii, Yesu Kirisita ñèŋi cye kurugo mà fworò kwùŋi i, bà wuu si mpyi si sòŋḡo tatahaga niŋcenŋe ta ⁴ niŋyiŋi yaayi kurugo mɛ. U à yire yal'a yaha u wuubii mɛ na. Yire yaayi nye na ŋkèege mɛ, yi nye na ŋwóre mɛ, là nye na fworò yi sɔ̀nampe e mɛ. Kile à yire yaha wani niŋyiŋi na yii yyaha na, ⁵ maa yii

mâra u fânhafente funŋke e, yii dâniyaŋi cye kurugo yii zhwoŋi mee na, uru ŋgemu u à bégel'a kwò, ná u sí n-pa n-cyêe diŋyeŋi canŋkwôge ke.

⁶Lire l'à yii funŋyi pyi y'à táan sèl'e, ali mà li ta yii nye ŋgahaŋi shiŋi puni i nume, yii sì n-jà lire fyinne me, lire nde na nye tère nimbilere kyaa. ⁷Uru ŋgahaŋi òŋke ku nye si yii dâniyaŋi tayyerege cè. Sæenŋi u nye yakwôge ke, seenbuubii maha u le nage e, si òcè kampyi u à òwô. Lire pyiŋkanni na, yii dâniyaŋi u à pòwô sæenŋi na sèe sèl'e ke, ŋgahaŋi maha òo yii na, bà uru shi si mpyi si òcè me. Lire e yii dâniyaŋi sèe wuŋi kurugo, canŋke Yesu Kirisita sí uye cyêe ke, yii sí ŋkèenŋi ná pèente ná metange ta kuru canŋke. ⁸Yii mée nye yii sàha ntêl'a u nya me, u kyal'à táan yii á, yii nyii nye u na me, ŋka yii à dá u na. Funntange ku nye yii e ke, kuru mpèenŋi kurugo sùpya sì n-jà ku jwo òo ku tægeni na me, ⁹jaha na ye ndemu kurugo yii à dâniyaŋi pyi ke, yii sí lire ta, lire li nye Kile sí yii shwô.

¹⁰*Kile túnntunmpil'à uru zhwoŋi kani yyaha cya sèe sèl'e, tène i pi à jwo kuru Kile màkange kyaa na, kuru ŋkemu Kile à yaha yii yahare e ke.

¹¹Kirisita Munaani^a li mpyi pi e ke, lire mpyi a li cyêe pi na na Kirisita sí n-pa n-kyaaala, kuru kyaage kântugo, u sí pèene ta. Pi la mpyi si cyire karigii tæpyiini ná cyi pyiŋkanni cè. ¹²Kile mpyi a li cyêe pi na na karigii shenre pi mpyi na yu ke, na pi yabilimpïi wogii bà me, ŋka yii wogigii cyi. Nye niŋjaa, Jwumpe Nintanmpe jwufebil'à cyire karigii jwo yii á *Kile Munaani cye kurugo, Kile à lire ndemu yaha a yîri niŋyiŋi na ke. Ali *Kile mèlèkæebii na òcaa si cyire karigii yyaha cè.

Dánafeebii naaraŋkanni

¹³Lire kurugo yii yákilibii yaha báaraŋi na tèrigii puni i, yii i òcù yiye na, Kile sí n-pa òwô yii na si ndemu pyi yii á, Yesu *Kirisita cannuruge ke, yii i yii sòŋore puni taha lire na. ¹⁴Yii i Kile òwômæeni cù, yii nyii karigii yii mpyi a fyânha na mpyi mà ta yii sàha Yesu Kirisita cè me, yii i cyire òwô yaha. ¹⁵Yii i mpyi fyinne sùpyii yii kapyiŋkii puni i, bà yii yyerefoŋi Kile à fíniŋe me. ¹⁶Yire y'à sème Kile Jwumpe Semerŋi i na: «Yii pyi fyinne sùpyii, jaha na ye mii à fíniŋe^b.»

¹⁷Kile u maha sùpyire puni sâra mà tàanna ná pi kapyiŋkil'e ke, uru nye a wà pòwôŋ wà na me. Ná yii maha u yiri yii Tuŋi yii pareyi i, lire kurugo, yii a yii karigii puni pyi ná u yyaha fyagare e, mà yii yaha ŋge diŋyeŋi i nàmpwuun fiige. ¹⁸Yii à li cè na Kile à yaage ŋkemu tæg'a yii òŋŋô wwû yii naaraŋkanni laaga baa wuuni i, yii mpyi a lire ndemu ta yii tulyey'á ke, kuru nye yakwôge wyérenŋi ná sæenŋi fiige me. ¹⁹Ŋka u à

^a1.11 Kirisita Munaani ná Kile Munaani nye niŋkin.

^b1.16 Levitiki 11.44, 45; 19.2

yii jùṅṅ wwû ná Kirisita sishange longara woge e. Uru u à uye pyi sáraga mpàbili fiige wuu kurugo, ndemu li nye cwò cyaga baa ná fwónrò baa ke. ²⁰ Mâ jwo dijyeṅi u dá ke, Kile mpyi a u cwònrò lire mæ na. Ncyii tèrigii nizanṅkil'e, Kile à u pyi u à pa yii kurugo. ²¹ Uru cye kurugo yii à dá Kile na, uru ṅgemu u à u jè a yige kwùṅi i, maa u pèe, bà yii dányanji ná yii sòṅṅore si mpyi si ntaha Kile na mæ.

²² Yii à jæ sèṅi jwumpe na ke, lir'à yii zòmpyaagii *fñiṅe, maa yii pyi yii à yii cìmpyiibii kyaa táan yiy'á ná funvyinge e. Lire e yii yiye kyaa táan yiy'á ná yii zòmpyaagii puni i. ²³ Yii li cè na yii à pyi shinfónmii, nùguzhiṅi u maha fwónre ke, uru cye kurugo bà lir'à pyi mæ, ṅka ṅge u nye u nye na fwónre mæ, uru cye kurugo lir'à pyi, uru u nye Kile jwumpe, pu na nye nyii na, pu nye na ṅkêṅṅi mæ. ²⁴ Naha kurugo ye y'à séme Kile Jwumpe Semerji i na:

«Sùpyanji na nye mu à jwo nyèpurugo,
u sinampe na nye mu à jwo nyege yafyæenre.

Nyege maha waha, ku yafyæen'a sî mîn'a wu,

²⁵ ṅka Kafoonji Kile jwumpe sí n-kwôro fo tèkwombaa^c.»

Puru jwumpe sí pu nye Jwumpe Nintanmpe p'à jwo yii á ke.

^c1.25 Ezayi 40.6-8